

## INTEPRETASIE ALGEMENE SINODE SE BESLUIE OOR SELFDEGESLAG VERBINTENISSE 2019

### Konteks van historiese verbintenisse van NG Kerk en 2019 besluite

1. Sedert die totstandkoming van die Algemene Sinode in 1962 het die Kerkorde bepaal dat:  
Die samestellende kerke/sinodes nooit hulle selfstandigheid prysgegee het in die vorming van 'n algemene sinodale verband nie. Dus bly die samestellende sinodes selfstandige regsentiteite (vergelyk Artikel 36 asook Reglement 24 oor kerklike goedere)
2. Hierdie selfstandigheid word nog verder versterk deur artikel 35 waar sinodes die mandaat ontvang om selfs oor die belydenis te besluit deur bemaagtig te word om ander belydenisskrifte in haar eie kerklike bepalings op te neem (vergekyk Artikel 35.6). Die Kerk se belydenisgrondslag is sekerlik 'n ernstige saak – maar sinodes het die volmag (onder sekere omstandighede) om wel sy belydenisskrifte uit te brei
3. Verder word die taak en funksie van die Algemene Sinode gedefinieer in Artikel 43 asook in Reglement 1. Dus moet alles besluite aan die hand van veral artikel 43.1.1 en 43.1.4 asook Reglement 11 punt 2.4 geïnterpreteer word

Artikel 43.1.1

dit wat uitdrukking gee aan die kerk se gemeenskaplike identiteit in terme van Woord, Belydenis, *Kerkorde*, roeping en beleid;

Artikel 43.1.4

die viering van die kerk se onderlinge verbondenheid, eenheid en diversiteit;

Reglement 1.2.4

Die Algemene Sinode is nie 'n voorskriftelike sinode nie.

### Interpretasie van die 2019 besluite insake Selfdgeslagverhoudinge (SGV)

In die lig hiervan staan dit dus sinodes vry om eie besluite hieroor te neem – onderhewig aan die provisie dat Kerkrade en Predikante nie gedwing kan word om teen hulle gewete op te tree nie – vergelyk punt 5, 8 en 9 van die besluit:

5. Die Algemene Sinode respekteer kerkrade se reg om geloofsonderskeidende gesprekke in hulle eie kontekste te voer en moedig kerkrade aan om deurdagte en verantwoordelike besluite te neem.

8. Die Algemene Sinode erken dat daar:

8.1 kerkrade en predikante is wat nie hulle weg oopsien om burgerlike verbintenisse tussen persone van dieselfde geslag te bevestig nie,

8.2 ook kerkrade en predikante is wat wel hulle weg oopsien om burgerlike verbintenisse tussen persone van dieselfde geslag te bevestig.

9. Die sinode wil graag die ruimte wat vir almal geskep word, om volgens hulle oortuiging op te tree, bevestig. ....

## **1. Punte 5, 8 en 9 van die besluit impliseer die volgende vir plaaslike hantering:**

- Kerkrade word juis aangemoedig om hieroor in eie konteks verantwoordelike besluite te neem
- Kerkrade en predikante is nie onder enige dwang om enige van die twee standpunte uit te voer of te aanvaar nie. Sien punt 9 in die besluit.
- Die Beleid van die Algemene Sinode word verwoord in punt 9 – “*om ruimte wat vir almal geskep word, om volgens hulle oortuiging op te tree, bevestig*”. Hiermee het die Algemene Sinode sy reg om voorskrifte te gee in die hantering van die saak in die praktyk, afgewentel.
- Dit beteken dat 'n kerkraad die reg het om te besluit of persone in selfdegeslag-verbintenisse in die betrokke gemeente toe te laat tot die amp of nie. Kerkrade het ook die reg om geen besluit hieroor te neem nie
- Daarmee saam verkry kerkrade die reg om die bevestiging van burgerlike verbintenisse tussen persone van dieselfde geslag toe te laat, of nie. Kerkrade hoef ook nie hieroor enige besluit te neem nie.
- Predikante word ook toegelaat om volgens hulle eie gewete selfdegeslag-verbintenisse te bevestig, of nie
- Daarom kan 'n predikant nie deur 'n kerkraad verplig word om volgens die KR se oortuiging en of besluite op te tree nie.
- Eweso kan 'n predikant ook nie 'n Kerkraad verplig om volgens sy/haar oortuiging op te tree nie. Byvoorbeeld kan 'n predikant wat so 'n Burgerlike Verbintenis wil voltrek, nie aandring daarop om dit in die kerkgebou te doen van 'n kerkraad wat anders besluit het nie.
- Die beginsel is dat die saak afgewentel is na die plaaslike kerkraad en die individuele predikant. (Vergelyk Punt 8 en 9 van die Besluit).

## **2. Ander besluite wat hiermee in verband staan**

Die Algemene Sinode het ook die volgende standpunte herbevestig

1. Die Algemene Sinode herbevestig die besluit van 2004 dat, volgens ons verstaan van die Bybel, slegs die verbintenis tussen een man en een vrou as 'n huwelik beskou kan word.
  2. Die Algemene Sinode bevestig ook die besluit van 2004 dat sowel heteroseksuele as homoseksuele promiskuïteit ten sterkste veroordeel word.
  3. Die Algemene Sinode besluit dat, in die lig wat ons tans het, homoseksuele verbintenisse en huwelike nie as 'n alternatief vir die huwelik aanvaar kan word nie.
- (uit Handeling AS 2007, pp 204-205, pte 12.2 en 12.3)

## **3, Wetgewing en selfdegeslagverbintenisse**

Kerkrade en predikante moet ook kennis neem van die bepalings van die Wet op Burgerlike verbintenisse (No 17 of 2006, Civil Union Act)

Die Wet bied beskerming aan predikante wat gewetensbesware het om selfdegeslag verbintenisse te voltrek

No 17 of 2006, Civil Union Act

**Marriage officer not compelled to solemnise civil union**

6. marriage officer , other than a marriage officer referred to in section 5 may in written inform the Minister that he or she objects on the ground of conscience, religion and belief to solemnising a civil union between persons of the same sex, whereupon that marriage officer shall not be compelled to solemnise such civil union

Dit blyk dus dat predikante beskerming ontvang wat volgens die Wet die Minister skriftelik inlig dat hy/sy nie burgerlike verbintenisse op grond van geloofsoortuigings wil voltrek nie.

**ATR VERSOEK**

Kollegas

In die lig van bogenoemde moet die ATR die ASM Dagbestuur versoek om die Algemene Sekretaris en Aktuaris opdrag te gee om die volgende met die Departement van Binnelandse Sake dringend uit te klaar sodat ons advies kan gee:

1. Die aansoek om burgerlike verbintenisse te voltrek (Wet 17 van 2006, Civil Union Act klousule 5)
2. Wat is die proses vir predikante wat nie burgerlike verbintenisse wil voltrek nie (Wet 17 van 2006, Civil Union Act klousule 6)